

LOCUAL DIOS KIER PA BO SA....

**E Berdad ta
haci bo liber!**

Carnaval, kico ta e origen



Awendia un y tur ta celebra e fiesta di carnaval. E fiesta aki a bira un tradicion segun cu añanan ta pasa. For di chiquito nos tur por corda con nos mayornan ta laga nos bai den e parada di carnaval. Y nos tabata pasa hopi dushi mes. Y awor cu nos ta grandi nos ta sigui cu e tradicion aki. Pero di unda di berdad e fiesta aki a sali? Kico ta su origen? Laga nos cuminsa wak prome kico e palabra Carnaval ta sinifica. Den Latino nos por wak un combinacion di dos palabra: Carna y Val. Carna ta bini for di palabra **carni** y Val ta nifica **caida**. Kiermeen si nos pone e dos palabranan aki hunto nos por wak e asina aki: **Caida di carni**. Cu un otro palabra, sin moral of laga e carni hasi loke e kier. Awendia nos ta celebra carnaval manera un atraccion turistico. Si nos wak bon den casi tur carnaval, hopi cos ta pasa. Alcohol y droga ta wordo usa hopi den e temprada aki. Mayoranan ta haña nan mes enfrenta cu embarazo hubenil. Matrimonionan hopi biaha ta wordo kibra den e temporada aki. Kico ta e diferencia?

Si nos wak un webo y un galiña tin un diferencia hopi grandi, pero con cu bo mir'e e webo ta keda e galiña. Aunke den e galiña tin bida, pluma colorido, moveshonan, e ta keda e resultado di un webo. Carnaval ta yen di color, pluma, luz, etc. Toch su origen ta keda e libertinage di e carni. Prome cos cu nos ta wak durante e temporada aki di carnaval ta e eleccion di Prins y Pancho. Esaki ta na momento cu e gobernador ta duna e prins y pancho e yabi di e pais. Esaki ta un paso oficial caminda cu nos ta mira e autoridad di nos pais ta wordo poni den man di locura, den man di hilaridad, nada no ta serio mas, tur cos ta locura. Esaki ta simplemente e origen di carnaval. Nos por wak tambe e fiesta cu ta wordo yama "bacanal", e fiesta aki ta un fiesta cu e punto mas importante ta e yoke sushinan cu ta wordo conta. Bacanal ta un fiesta pa adora dios baal. Bacanal ta un fiesta cu ta wordo celebra cu barinan di biña riba garoshi coriendo den cayanan, hendenan bebiendo, haciendo nan mes burachi y haciendo tur sorto di

vagabunderia. E palabra bacanal a sali for di e palabra vagabunderia. E fiesta aki tabata wordo celebra na momento cu e prins y pancho wordo elegi. E fiesta di carnaval ta un fiesta religioso. Dicon? E fiesta ta bin di hendenan cu tabata gradeci tur e diosnan cu a participa den cosecha pa nan por haña un mihor cosecha. Y nan tabata hasi esaki dor di representa tur e diosnan pa medio di un mascarada cu ta representa e dios, p.e. dios di awacero, dios biento, dios tera, dios solo y asina nos por sigui. Nos tur sa cu e Palabra di Dios ta bisa cu ta un Dios so tin y cu E ta e Dios di awacero, biento, shelo, tera y tur cos. Pa motibo cu ta Dios a crea nan. Rom 11:36. Ta un Dios a crea tur cos, no ta hopi diosnan a crea mundo, sino ta un Dios e crea mundo. E mes un Dios aki cu a crea tur cos, ta e mes un Dios aki a duna su yui Hesus pa pordon, salbacion y bida eterna. Nos conoce dos fiesta di cosecha. Un di nan ta wordo teni pa e africanonan den luna di Januari y Februari. E otro ta di e indionan cu ta wordo celebra den luna di Juni y Juli. E dos fiestan

aki ta e origen di carnaval. Den e fiestan aki un reina ta wordo elegi, esaki ta wordo haci pa cantidad di mucha muherman virgen cu ta wordo elegi, pa asina un di nan bira e reina di cosecha. Algo cu awe nos ta mira como certamen di tur reinanan: Beyesa, carnaval, Miss universo, awe nos ta yama nan miss. **Tambe den carnaval nos ta celebra e diamars.** Esaki a bini dor di e palabra "Madegras" cu ta nifica "Diamars, prome dia, gordo. Ultimo dia pa probecha. Un toro gordo nan tabata usa como dios di adoracion. Na New Orleans ainda tin e rais di carnaval, y musiconan riba caya cu nos ta conoce como "jump up". Tur esaki nan ta tuma lugar prome y ta termina riba dia di madegras. Diamars, dia cu ta kima momo. Cual ta representa cu carnaval ta wordo kima. Esaki ta nifica cu carnaval a caba anto e shinishi ta wordo usa como simbolo cu awor ta bay separa pa cuaresma, cu ta nifica 40 dia di ayuno y oracion. Dianan cu ta come pisca y ta bai cas trempa, merdia no ta cana riba caya pasobra tin spiritito malo. Nan ta cana rond y si bo ta

landa diabierna bo ta bira pisca.

Asina aki nos por wak con e fiesta di carnaval a origina.

- 1 Eleccion di prins y pancho.
- 2 Grupo di mascarada pa gradeci tur diosnan.
- 3 Eleccion di reina di parada.
- 4 Finalisa cu e fiesta di madegras.

ORACION

*Hesus mi ta
duna Bo danki
cu mi por a
lesa e origen
di carnaval.
Yudami pa mi
por
compronde
esaki bon pa
asina mi por
sa kico mi ta
celebrando.
Amen*

VERSICULO DI SIMAN

No spanta, paso e enemigo ta bini manera un agnel di luz

2 Corintionan 11:14

Skina di Dios

Presenta pa:

The Cleansing Stream International Church.

Horario di Sirbishi:

Diadomingo: 10:00a.m. - 12:00p.m.

Diadomingo: 7:00p.m. - 8:30 p.m.

Diarazon: 7:30pm - 9:00p.m.

Lugar:

The Cleansing Center

Wilhelminastraat 39

SKINADI DIOS@HOTMAIL.COM